


Philosophia

Helwing Ambrosii Augusti
Conclusiones ex universa phi-
losophia in Collegio Bruns-
bergenii propositae.
1666.



SELECTÆ CONCLUSIONES

Ex libris Metaphysicorum Aristotelis.

I Objectum Metaphysicæ est Ens; Entis verò datur conceptus univocus à Substantia & accidente, DEO & Creatura abstrahibilis. Species Entis sunt Substantiale & Accidentale. Ens substantiale aliud Spirituale; idq; vel à se vel ab alio: aliud corporeum: aliud deniq; Modale.

2. Ens non est universale, prout præscindit, à possibili & existente, nam quod est possibile de facto nihil est. Neq; Entis veri & Entis rationis ratio eadem est, cum hoc sit implicitorium, illud existere non implicet.

3. Proprietates Entis, veteres illo noto vocabulo expresserunt REVBAV, hoc est res, Ens, verū, bonū, aliquid, unū, quas non distingui ab Ente realiter probat carentia necessitatis. Veritas tamen, solum tres Entis passioncs esse, scilicet, *unum, verum, bonum*.

De Essentia & Existentia.

I. R Es eadem vel cogitatur ut existens, vel abstrahendo ab hoc prædicato, & sic utrumq; est eadem Unitas. Nam si esset res existentia, auferri posset. Itaq; tunc Essentia redderetur aut nihil aut adhuc aliquid, quod posterius dici debet. Quia Essentiæ fuerunt ab æterno in hac sententia: Ergo erant Entia ab æterno: Ergo erant creata, antequam existerent vel certè increata.

2. Cum ergo dicuntur Essentiæ fuisse ab æterno, sensus est: Si hæc Entitas extitisset, non secuta fuissent contradictorias eodem modo fuerunt immutabiles conditionatè, non absolute: alioqui res annihilari non posset à DEO, quia solum existentia destrueretur & ipsa res maneret.

3. Existentia existit efficienter & extrinsecè per actionem seu per modum, non autem formaliter. Creaturæ conti-

B

gens

53218 I (16)

gens est durare, est in propria locutio.

De Ente à se, sive DEO.

I. REcete dixit Tullius in 2. de Nat. Deorum. *Quid potest esse, tam apertum tamq; perspicuum, cum cœlum suspexerimus, cœlestiaq; contemplati simus, quam ali-* quod Numen esse præstantissimæ mentis, quo hæc regantur? Quis enim Æneida Virgilij aut Historiam Livij, catu factam, aut veluti fungum terrâ enatam crediderit? quis reperto in medijs sylvis Augusto, peristromatis, horologijs, mensis, imaginibus, sigillis, instructissimò palatio, fortuito mentis lapsu aut arenularum turbulento congestu assurrexisse sibi persvaserit, & non potiùs artificem statim considerabit? ethi, quis ille gente? quâ facie? moribus? prole fœcundus an orbis? ignorare possit. Ita omninò ethi in Trinitatis notitiâ & alia DEI attributa non clarè devenerint Gentes: nemo tamen, qui non persvaserit sibi esse DEVM, unquam extitit. Ex quo Seneca epist. 17. *Veritatis inquit, est argumentum aliquid omnibus videri, veluti Deos esse, quod omnibus de Dijs opinio insita sit, nec ulla Gens usquam est adeò extra leges moresq; posita, ut non aliquos Deos credat.* Idcirco & apud ipsos Gentiles execrandi fuerunt Athei, & fuere non nisi illi, qui etiam circa alia omne lumen rationis extinxerunt: qualis fuit Theodorus Cyrenæicus de quo Laërt. in Aristippo. Sed idem docebat, sacrilegium & adulterium posse committi, & alia his fœdiora. Sed ultra hæc ita DEI causâ ago, DEVS est id, quo melius excogitati non potest: sed id, quo melius excogitari non potest, reipsâ existit: alioqui non esset melius omnibus: id enim longè melius est, quod reipsâ est, quam quod est per solam cogitationem: itaq; DEVS est in rerum natura. Deinde si non datur DEVS, quis docet bruta uniformiter & tam artificiosè operari? cur nobis inditus appetitur cognoscendi DEVM? cur, (loquar cum Tullio 1. Tusc.) *Nulla est tam fera, nulla tam immanis natio, cujus mentem non imbuerit Deorum colendorum religio?* Deniq; cum Aristotele. *Vbi reperitur participatio unius secundum magis & minus in diversis, necesse est deveniri ad primum, in quo ipsum est primum.*

2 Difficilius est ostensu DEVM esse Vnum & Trinum: sed tamen eò pertigerunt etiam ex parte Gentiles: nam teste Cytillo Alex. Orat. in Julian. *Plato dixit, Vsq; ad tres subsisten-*

tias

tas Divinam substantiam progredi: Esse autem summè quidem DEVM bonum; post illum autem & alterum Conditorum: tertium & mundi Animam. Aristoteles etiam in Metaph. ostendit primum Intellectum penitus esse in actu, qui se ipsum intelligit, ex quo delectatio summa: Svadetur etiam hoc modo; DEVS est operatus hunc mundum, habuit itaq; cognitionem ejus, hanc vocamus Verbum: per illud enim intellectus loquitur: ab intellectu & à Verbo procedit motus intellectualis, qui complet operationem, seu volitio, quæ à DEO non recedunt, & sunt ipse DEVS.

3. DEVS est creator: quod discursu tali ostendi potest. Mundus poterat esse aliter, quàm de facto est, major, minor, hic, vel ibi. Idcirco non est à se ipso: Nam esset talis, qualis poterat esse: itaq; est ab alio, & ille, à quo est, non est nisi DEVS.

DEI attributa.

I. DEVS est Spiritus. Quia DEO competit, quod est nobilius: tale autem est spiritum esse.

2. DEVS est immensus. Agens enim debet ibidem esse ubi agere potest. Nullus verò est locus, in quo simul DEVS agere non possit. Quocirca simul ubiq; debet esse.

3. DEVS est æternus. Quia si non esset ab æterno, esset ab alio. Nemo enim primum esse dat sibi ipsi. Si non esset in æternam, vel ab intrinseco esset defectibilis, vel ab aliquo alio destruibilis: & ille esset DEO fortior, ille ergo esset DEVS.

4. DEVS est unus. Quia si essent plures, quilibet illorum Prima & totalis esset causa, atq. omnes actum agerent; vel si quilibet partialis, nullus habebit omnem perfectionem, & sic nullus erit DEVS.

5. DEVS est liber: si enim necessariò ageret; & eodem modo, & omnia, quæ potest, ageret simul.

6. DEVS est Ens simplex physice tam accidentalis, quàm substantialis, expers compositionis, sive quoad partes essentielles, sive quoad integrales. Singula enim horum indignas DEO imperfectiones includunt. Si enim esset compositus ex materiâ & formâ, duabus Entitatibus constaret incompletis & ad se dicentibus ordinem: ex partibus integralibus plura inconuenientia sequuntur, Jam verò, si ex accidentibus componeretur, deberet illis substare tanquam formis distinctis à se, & se perficientibus

bus, quod arguit in subiecto & limitationem essentiae, & potentialitatem & participationem: & quia nulla potentia passiva potest ex se reduci ad actum, arguit indigentiam agentis extrinseci adducentis illam formam.

7. *DEVS est immutabilis.* Mutatio enim contingit, vel quia aliquid transit ex non esse ad esse, vel quia transit ex esse ad non esse, vel quia recipit aliquam perfectionem de novo, vel quia suum esse transfert ad locum alium. Horum verò singula aliquod DEI attributum perimunt. Nam priora duo tollunt aeternitatem, tertium infinitudinem, quartum immensitatem: nullatenus itaq; in DEO reperiri possunt. Idcirco ex mundi Creatione, Angelorum Hominumq; existentium pro omni differentia temporis, obsequijs, cultu, honoribus, & ex omnium etiam Creaturarum possibilium gloriâ, nihil accedere DEO felicitatis aut gaudij intrinseci: & vice versâ, si totus mundus periret, & omnes Angeli & homines aeternis poenis addicerentur, nec per impossibile ulla Creatura possibilis esset, quam posset admittere in consortium sui, æquè DEVM beatum in seipso, & in Trium personarum Societate cum omni felicitate permanens, manifestum est.

De præcipuis Entibus ab alio, seu de Intelligentiis.

I. C Oppinus & Quintinus negabant Intelligentias, ut refert Bellarm: lib. 2. de amissione gratiæ, capite. 1. Magis verè omnes Philolophi agnoverunt,

2. Demonstrari existentia eorum à priori non potest. Quia earent causâ necessariâ, qualis exigitur ad talem probationem. A posteriori probatur. Quia astia debent ab alio moveri, cum non vivant, itaq; ab Intelligentiis. Nam *DEVS* ordinarijs in natura effectibus causas secundas providit ordinarias.

De viribus Intelligentiarum in genere & circa vegetativa.

I. Futura non cognoscunt naturaliter, quibus admiscetur contingentia: multa nihilominus conjecturaliter colgunt, ut sunt sagaces; norunt enim propensiones corporis

corporis humani complexionem, cui non tardò homo non reluctatur. Simulant tamen (si sunt malæ) sæpe notitiam futurorum, scilicet ea, quæ illis casu præterita, nobis ut futura venditando: hoc modo inundationem Nili Ægyptiis ex idolo prædicebant, quia post multa centena miliaria ad fontes Nili ingentes conspexerunt imbres, quos vel natura vel eorum solertia adduxit, de cætero fassus Aristoteles apud Orig. lib. 7. mit. contra Cels. dæmones in Oraculis falli & fallere; imò ipse Tullius 2. de divin. oracula falsa Apollinis enumerat: sed Christo nato omnia obmutuerunt, uti audaçter Theodoretus lib. 10. contra Græcos circa medium: *Nulla divinationes ad Castalias aquas fluunt, nulla ad Colophonium fontem, nihil prædicit liber Theſphrotinus: nihil iripus ille Cirrhaus: Dodonæam imminabulum nihil nugatur; nihil loquitur vulgarissima illa quercus: tacet Apollo, Delius, Pythius, Claius, Didioneus: silentium est in Lebadia, & in Trophonij antro: obmutuit Amphilocheus, Amphiaræus obmutuit, & Ammonis oraculum.*

.2. Directè nullam substantiam corpoream possunt producere, nisi fortè applicando activa passivis. Circa corpora inanimata possunt omnia præstare, quæ motu locali aut admotione agentium naturalium præstari possunt. Hoc modo apud Cic. 1. de divin. cotem secuit novaculâ Navius. Et quia motum localem consequitur sonus, illum possunt excitare, & ita teste Cyrillo 3. ad Julian, Pythagoram Causus fluvius salutavit. Possunt ventos cohibere, quod refert Justin. 9. 24. ad Orthod. factum ab Apoli. Thyanæo: factum & ab Empedocle refert Clem. Alex. Strom. lib. 6. c. 1. hoc modo sedabant fluctus maris oblatione primitiarum, de quo Simplic. in Enchirid. Epict. c. 38. Possunt efficere, nequid inter imbres madefiat: & ita statuam Dianæ Cyndiadis, & statuam Vestæ apud lassæos conservabant à madore Intelligentiæ, uti est apud Polyb. lib. 16. l. 4. Possunt aurum facere, quia hoc & Chymici fecerunt: sed Suprema v. tat Providentia, ne tam sacrâ fame plures mortalium seducant, idcirco Grillandus lib. de sortileg. c. 3. n. 9. observat nunquam auditum aut conspectum quenquam servientium dæmoni, factum fuisse locupletem. Possunt pluvias adducere, tempestates, grandines, tonitrua; imò pestes. Ita Tartari nebulas & tenebras inducunt, quando volunt, teste Pau. Veneto: & hoc dolo Poloni illam celeberrimam cladem passi, quando novem saccos auribus

ribus impleverunt. Sic Lapitæ & Finni ventos vendunt, & Rex Sveciæ Henricus in eam partem vertebat ventum, in quam pileum. Ita Romæ teste Festo lapis in urbem pertrahebatur, cum egerent pluvii: & ob id dicebatur *Petra Manalis*.

3. Replicationem in corporibus & penetrationem Intelligentiæ facere non possunt, id enim utrumq; excedit vires naturæ: sed per præstigias eundem duobus locis ostendere possunt, uti ostenderunt Pythagoram apud Orig. 6. contra Cels. Possunt etiam celerrimè subducere, ut videatur penetrâsse, uti factum cum Cleomede Astupalensi apud Orig. 3. contra Cels. qui in arcam confugit tenuitq; supra se operculum, sed cum hostes irruentes reclusissent, nihil reppererunt: hoc dolo jactabat apud S. Clem. Rom. 2. recogn. Simon Magus se montes posse instar luti penetrare: ita Phylumene teste S. Aug. hæres: 24. in angustiissimi oris phialam vitream grandem panem injiciebat: erat enim venefica, quæ oculis adstantium sciebat illudere: idcirco fabula est sagas per angustiissima educi foramina: refertat Intelligentia quantum opus, & velocissimè tursus concludit.

4. Nutritionem, accretionem, generationem formaliter sumptas non potest Intelligentia supplere, imò affirmativam damnant Chrysost. Theodorus Cæsarius. Quia hi actus sunt vitales & à principio intrinseco per potentiam internam operante procedunt. Insecta tamen uti Muscas & ejusmodi, quod possit Intelligentia activa passivis applicando producere, judicavit jam olim S. Aug. lib. 3. de Trin. c. 9. Quia id ipsum & homines in Magia naturali versari præstare possunt. Assumpto autem vero Animalis semine & in debitum locum transmissio qui negant produci posse ab Intelligentiis quodlibet vivens, hoc damnant impudentiæ idem Doctor lib. 15. Civit. cap. 23. si experientia attestatur: hoc modo Homerum genitum multi scribunt, imò gentem Hunnorum scribit Iornandes in hist. Gothica. Actus vitales vitæ vegetativæ impediti notum ab Intelligentiis, maximè propagationis. Possunt etiam inhibere vim caloris ita ut animal ad longum tempus omnis cibi expers vitam protoget, idq; vel temperando calorem internum, vel applicando frigida, vel humores viscidos è toto corpore colligendo, ut calori fiant pabulum, quâ ratione glires in ediam brumalem superant teste Philolopho lib. 8. hist. c. 14 & 17. sæpius tamen cibos quospiam subtilis talibus immittunt qui sunt excellentis substantiæ uti sentit S. Prosper. lib. de dimid. temp. cap. 2.

5: Potest Intelligentia morbos curare, qui sunt naturalibus medicinis curabiles; Exemplum hujus medelæ apud Tacitum 4: Hist. dedit in Vespasiano, qui salivâ oris sanavit cœcum: aderat enim insignis Magus illi curationi Apollonius Thyanæus uti advertit Baron. an 71. & ipse Tacitus fatetur illum morbum non excessisse vires attis. Adrianus etiam Imperator curavit cœcum, sed eum, qui simulavit morbum, ut Cæsarem vanissimâ adulatione â proposito vitam sibi eripiendi averteret, inquit Spartianus. Solertissimè tamen adnotat Tarianus Orat. contra Græcos. n. 27. Dæmones sæpè velut latrones capiunt aliquos, quos oblato pretio dimittunt; & insident prius miserum, ut abscedendo gratiam exhibuisse videantur, turbant prius in homine humores, ut nequitiâ desistendo beneficium se jactent contulisse. Duo præterea pulcherrimè antiquissimus Patrum Iren. lib. 2. advers. hæreticos advertit. Vnum cap. 56. quod ubi agitur de confirmatione alicujus veritatis per prodigium à DEO compescantur, ne populi in errorem inducantur. Alterum, quod sanitas ope perduellium spirituum obtenta præterquam quòd cum ingenu scelere patetur, rursus cum magno auctario morborum amitti solet: id ipsum diu expertus Fernel. lib. 2. de abdit. cau. rerum cap. 16. Multò magis morbos possunt inducere per localem humorum transpositionem, vel corruptelam adhibitis corruptentibus. Nam febribus continua oritur, quoties sanguis putrescit; omnia enim putrescentia incalescunt: aliæ febres, quia non statim alia materia succedit priori exustæ, per intervalla procedunt; nam tertianæ materia, bilis corrupta; cujus depravatio biduum exigit. & cum sit sicca, intra 12 horas absimitur; neq; ultra producit paroxysmum nisi in spuriam degeneret: quartana, quia frigidam & siccam melancholiam accendit, expectat ejus putrefactionem triduo, & quia est frigida materia, lucta accensionis ad 24. horas extenditur. Rigores præcedunt, dum calor succurrit cordi, in quod exhalat crudos materia, dum incipit accendi, vapores. In capite distemperies; vel ex repletione frigida pituitosæq; materiæ opplennis meatus, & tum solum gravè dynem quandam perlentisimus, vel ex copia sanguinis exundantis ad partes superiores, & tum ardore sentimus faciem cortipi, vel cum his invadit, & tum sensum perforantis, mordentis, pulsantis, cum æstu ac aenatore accipimus, vel ubi flatus se inter ossa ac membranas insinuant, quos solet prodere aurium tinnitus. Paralyti membra laxantur, quando nervi aliquo humore aut tumore

obstruuntur, ut spiritus animalis penetrare non valeat. Epilepsia miserum animal corripitur quando melancholicus pituitosusque humor meatus cerebri obstruit, a quo dum conatur se expedire illa pars, varie contrahitur ac se contrahit, variasque distorsiones prout spiritus inæqualiter membris affundit, ciet. Contrahuntur membra, cum nervis, aut musculis se insinuans humor ea in latum diducit, ut sit necesse contrahi è longo: Græcis hæc affectio dicta *σπασμος*. Brevius malum est, si tantum oriatur ex crassis vaporibus: sopitur verò tactrix facultas, cum humore frigido, putrefacto, pituitoso, cerebrum obruitur; Græci dedere nomen lethargi sed si ventriculi cerebri obstruantur, tunc cum cæteris sensibus etiam tactio subtrahitur, quæ affectio nomen habet apoplexiæ: morbi quidam oriuntur juxta Phil. 2. de part. anim. cap. 7. *instar imbrum* ascendentibus scilicet è vitiatò corpore vaporibus ac refrigeratis. hi verò sunt arthritici potissimum. Duplex enim est *pituita*, alia tertiæ, alia secundæ coctionis recrementum, illa quidem vel est *interna*, quæ in cerebri ventriculis colligitur; vel *externa* sub cute capitis solita congregari. Collecta in ventriculis cerebri aliquando in partes inferiores polabitur vel propter copiam gravantem ut in hydropicis, vel propter frigus exprimens, vel æstum colliquefacientem, vel balneum laxans, vel nimium corporis exercitium vehementer conturbans, vel propter passionem animi graves: & hæc quidem si in nervorum originem incidens eos obstruat; oritur apoplexia, paralytis, stupor, tremor membrorum: si verò in organa sensuum incidat; inducit cæcitatem, surditatem, tinnitum aurium, privationem odoratus: si in fauces, aut asperam arteriam, raucedinem: si verò in pulmones, tussim, asthma, phthisim: si in ventriculum, cruditatem: si in intestina, alui distemperiem. Altera pituita, quæ sub cute calvariæ gignitur, est recrementum venarum per faciem & tempora in caput irrepentium ibique sub cute desinentium; quoties illæ seroso humore abundant, cum aliis superfluitatibus effundunt eam sub cutem: & hæc pituitæ effusio est origo distillationis externæ in talos, maxillas, dentes, cervicem, brachia, latera, dorsum, lumbos, crura, & omnes articulos, in quibus varias acquirit denominationes: in pedibus podagra, chiragra in manibus, Ischiadis in coxendice, alias in aliis membris: & universam arthriticæ passionis.

6. Possunt intelligentiæ mottem animalis differre: habent

enim quædam animalia renovandæ ætatis donatas à natura industrias: sic teste Philofopho 8. hift. c. 17. ferpens exiit fenectam: de admir. aud. cap. 65. fens rejuvenefcit & aquila. Antiquiffimus Tertull. de fenio Cervi lib. de pallio. cap. 3. ita loquitur: *Arbiter fua ætatis ferpente partus veneno langvefcit in juvenutem.* Poffunt enim per artem humores noxij ex animali educi: poffunt activa infignia admoveri: præftat hoc Medica ars in pueris aridis, dum eos bonæ refituit temperiei: quidni eandem inducere temperiem poffet Intelligentia, fi à Majore fineretur.

7. Non poteft Intelligentia hominem verè mutare in beftiam, ita fenfit. S. Auguft. 18. Civit. cap. 18. decifumq; eft in Concil. Ancyrano cap. *Epifcopi* 27. q. 5. Fabulæ itaq; funt de transformatione Apuleii, de Circe & quæ de metamorphofi hominum in lupos jactantur. Lycanthropia morbus eft, non transfiguratio: membra relinquit priora, fed vitiatione atræ bilis ingenerat affectus lupinos, procreatq; odium in oves, ut illas morbo tali correptus in modum lupi invadat, ficut illi, qui urfi cerebrum devorârunt, turbatâ phantafiâ arbitrantur fe urfos, ac fylvas perunt, omniaq; beftialiter agunt. Poteft nihilominùs ita agro homini per Intelligentiæ operam exterior lupi circumponi fpecies, ubi corpore lupi ex aère formato circumjectus fuerit. Sæpiùs tamen Intelligentia fopito alicubi Lycanthropo ipfa in ejus imagine difcurrit: aut verum lupum infidet, & fi illi vulnus inferatur, fupremæ permiffu Providentiæ hominem vulnerat, in quam rem adducit exempla Guilhelm. Paris. 3. 2. de univerf. c. 13. & Nicremberg. in Nabuch.

8. Non poteft Intelligentia Animal vitæ refituvare. In brutis enim periit anima, neq. unquam eadem, quibufcunq; pofitis difpofitionibus regreditur: idcirco fi operâ Magorum aliquando bruta perfecta revixerunt folum mortificata, non verò fuerunt mortua. De imperfectedis alia ratio. Nam apes & mufcæ emortuæ fi rutæ fueco perfundantur revivifcunt; & quidem mulcas fati in cineribus fepelire; anguilla, fi defectu aquæ motua fuerit, integra aceto injiciatur ac fanguine vulturis adjecto fub fimo recondatur, intra paucos dies vitam recipiet. Homini verò animam non reliquit DEVS poteftati Intelligentiarum: Cadaver homini ingreffus aliquando Genius perverfus, ut eum vivum fimularet: ut notavit Anafafius q. 23. in fcript. fed illi vitam nunquam reddidit. Tales ftrophas patrârunt etiam perverfi. ut Ari-

anorum Episcopus, qui conduxit mendicum, ut simularet cæcitatem, ejus sanatione sibi nomen facturus de quo Greg. Turo-
nen. 2. hist. cap. 29. & Cracoviæ alter qui, ut mentiretur mortem,
persvasit cuiusdam, eum mox improbo prodigio vitæ redditurus,
de quo Alanus Copus dial. 6. c. 29. sed DEVS nequitiam confu-
dit, & hunc ostentantem speciem mortis verâ morte, & illum
fingentem tenebras verâ cœcitate punivit; tales jam olim vixit
Terrulli: de præscrip. cap. 30. *Apostolorum in perversum amula-
tores; Apostoli de mortuis faciebant vivos, isti de vivis faciunt
mortuos.*

De viribus Intelligentiarum circa vitam sensitivam & ejus adjuncta.

I. **P**ossunt deludere externos sensus: idq; vel indirectè
pe perturbando phantasiam: tum enim persuadet sibi
homo verè ea præ oculis aut alio sensu versari, quæ
solam fatigant imaginationem. tali ludibrio febrientes & amenes
miserè exercentur: tunc verò non sunt in omni vigiliâ (ut ad-
vertit Ang. Doctor lib. 3. cent. gent. cap. 104.) sensus, sed quasi
in quadam extasi aut sopore. Directè etiam sensus illuditur, idq;
modo triplici, qui colligitur ex Justin. ad q. 81. & Gabr. in 2. d.
8. q. 2. a. 3. *Primus* est modus, quando mutatur objectum,
quod fit vel celerrimâ agitatione, vel ejus occultatione & suppo-
sitione alterius, atq; ita prodigium de sociis Diomedis, qui pu-
tabantur transiisse in aves; explicat S. Aug. lib. 18. de Civit. cap:
8. pro quibus velociter aliò deportatis supposuit aves Intelligentia:
similiter Iphigeniæ cervam substituit: tali arte Circulatores oculo-
rum spectatorum in admirationem rapiunt, dum comedendo
panem simulant se remitti farinam, bibendo aquam per vulnus
frontis reddunt vinum, hoc modo gladios vorant, acus evomunt
&c. Ad quam classè reduci possunt illæ technæ Magorum,
per quas miseris Persis illudebant, cum ignem facientem
loquentem, tubis scilicet per focum occultè derivatis, per quos
aliquis è latebris vocem effundebat; quam fraudem detexit Ma-
ruthas, ut est apud Socratem lib 7. c. 8. Tali dolo victima cœ-
lesti igne videbatur cremari apud Græcos, quem ostensis tubis,
per quos infernè ignis in victimam immittebatur, Aurei oris
Doctor hom. de Petro & Elia, detexit. *Alter* modus est, quando
medi-

medium mutatur; tali arte convivium instituit Coloniae Albertus Gulielmo Imp. in quo convivæ mutilati membris conspiciebantur teste Bzovio, anno 1248. n. 2. Hoc modo visendos colore mortuali hospites reddebat Anaxilaus, sulfure nimirum inflammato aërem inficiendo, per quem visus noster objecta attingit, ut est apud Nilū cap. 100. & 101, de orat. Hoc modo Marcus Hæreticus & Magus apud Irenæum lib. 1. c. 7. in album, purpureum & cæruleum objecta tingebat. *Tertius* est, si potentiam turbet, variet organa, qualitate aliquâ imbuat, transponat. Hoc modo reddet omnes cibos amaros, si linguam amarore imbuerit; si viridi corneam in oculo tinxerit Intelligentia, omnia viridia spectabit animal.

2. Potest Intelligentia reddere objectum invisibile, vel localiter aliò amovendo, ut Lactantio teste lib. 5. cap. 3. Apollonius redditus invisibilis, effugit Domitianum, à quo invitatus tenebatur, & Puteolis, ubi à sociis expectabatur improvisò conspectui se dedit. Quo etiam modo apud Cæsaream victima Diis sacra invisibilis reddebatur & à delusis mortalibus credebatur in cælum abrepta: donec Asterii precibus impostura dissiparetur ut est apud Euseb. lib. 7. hist. cap. 13.. Hoc eodem dolo Sacrificus Colophone fontis haustu conspectibus se eripiebat, de quo Jambl. de myst. parag. 25. Hoc modo Gygis annulus invisibiles faciebat, de quo Plato 2. de Repub. nisi malis cum S. Ambros. lib. 3. de off. c. 5. eum credere fabulam. Hæc omnia solo motu locali peracta. Sed & alio modo visum nostrum effugere objectum Intelligentiæ potest operâ. Quia potest corpus aliquod intermedium inter illud & visum nostrum ponere: vel lucem omnem ab objecto excludere. Ut verò species visivas destruat aut compescat fieri non potest, cum teste S. Th. lib. 3. contra Gent. c. 104. virtus ea nulli agenti secundo competat: Vnde non habet fidem quod in adscripto Alb. opus habetur, quòd scilicet gemma heliotropia, si herbâ ejusdem nominis atteratur, invisibiles reddat. Avertere verò species aliorum non est virium Intelligentiæ, cui non est relictum movere accidens suo subjecto.

3. Facilius ab Intelligentia potest Odoratus deludi; sic quidam in sentina pernoctans, de quo Guiliel. Paris. 3. 2. de univ. c. 23. videbatur sibi in cellâ aromatum noctem voluptuosè peragere: fieri autem hoc potest, vel si aliunde aromata aut odorata olea afferantur, vel si ipsum olfactus organum altereretur. Non

tamen

esmen semper suspecta debent esse antra, si quæ gratum effundant odorem. Natura id dedit argentifodinis in tractu Mariæburgensi in Saxonia, uti refert Agric. in Berem dial. potest & aliis locis indulgere.

4. Gustum ab Intelligentia delusum exempla docent. Factitabat talia non rarò convivia Numa, teste Plut. sed in quibus melius habuit imaginatio, quam venter: soli enim imaginationi illudebatur; vel etiam fortasse organum gustûs aliquo sapore deliniebatur, & tum majorem à mentia retinebant famem, quam attulerant, quia in modum somniantium comederant.

5. Tactus etiam circa vehemens sensibile potest impediti ab Intelligentia; ita docet S. Th. q. 6. de potentia, art. 3. potest enim interponere aliquod corpus inter pedem v. g. Magi in ambulantis per carbones: quod ipsum eveniebat affatis Deæ Furoniæ Numine apud Strab. 5. Geograph. & de quodam sacrificio narrat Iambl. parag. 24. Sed sapius capit oculos spectatorum, ut putent Magum per ignes incedere, cum per vicina periculi vacua deambulet. Subinde etiam asportatur aliò, donec incendium transierit: tali modo Lituus, in igne auguratûs, apud Romanos teste Cicer. 1. de divin. (bacillus erat is in modum litui inflexûs) exustâ saliorum curiâ mansit integer, ut hoc dolo perversa Intelligentia auguratum nomen compararet. Insuper dicuntur succi inveniri, quibus illita manus hominis impune possit flammis collidere: vidit Busquequius Turcam, qui succo quopiani palatum imbuit, per quod deinde ferrum candens pro libitu deducebat: alium vidit Cardanus, qui faciem & manus plumbo liquido lavaret, sed fortè plumbum erat minutum concisum, Mercurio infusum ab eoq; brevissimo tempore resolutum, crucibulo interim mortuis carbonibus illusionis causâ imposito: tale enim plumbum neminem adurit, cum naturam Mercurij frigusq; induat. De succis verò dicimus, quòd vel calorem iuhibeant, vel membra stupefaciant: tali succo refert Anastas. q. 23. Simonem Magum adjectum se inter flammis volutasse. Sunt quidam in Gallia & fortè alibi qui se jactant de familia S. Catharinæ, & rotam corpori impressam à natura ostentant, (ab arte Vairus deprehendit insculptam,) tales ignem tractant, & fumos illæsi ingrediuntur. Alij qui dicunt se de genere S. Pauli, viperam in corpore formatam ostentant, & dicuntur serpentes illæsi tractare & contactu suo arrosos à colubris persanare; unum eorum se vidisse afferit

se afferit Ananias lib. 4. de Nat. Dæmonum: cap. 11. virum fide dignum & sine suspitione magiæ, qui sputo sanabat. In his indemnitas vel hâc eâ tem operâ Intelligentiarum contingit; vel si quid sanius de illis tenere evidens ratio comprobârit, gratiam esse gratis datam, sentiendum erit.

6. Sensum internum potest Intelligentia turbare. Potest enim permiscere animalis humores ac confundere, ut fit in phreneticis ac maniacis, vel affundere humores qui hanc illamve speciem excitent.

7. Potest Intelligentia risum imitari humanum: & exemplo ab Aristotel. lib. de admir. auscult. c. 96. allato, comprobatur. Scribit ille, audiri noctibus ritus cum tympanorum ac cymbalorum sonitu ad quoddam in Lipara Insula sepulchrum. Huc etiam spectat, quod refert Sveton. nimirum Jovis statuam ingentem extulisse cachinnum, cum Romam transferenda esset aliunde iussu Caligulæ: talia ludibria, quia sæpius observata, etiam nomen invenerunt apud Cassianum collat. 7. cap. 32. *loculatorum*.

Voces Animalium quascunq; effingi posse ab Intelligentia, sentimus. Parva res est vox humana; sed magnum requirit apparatus, ut homo sciat æstimare verba. Membra 6. laborant unam circa vocationem: labia, dentes, lingua, palatum, guttur, pulmo. Nec satis: laborant & sex potentæ, Intellectus, qui ordinat verba: voluntas, quæ membra, ut Dominus servos, incitat ad operandum; Memoria concurrens memorando ea, de quibus loquendum: concurrens imaginatio proxima appetitûs Magistra: concurrens loco motiva, imò & visiva frequenter potentia, intueri enim solemus eum, quem alloquimur: neq; auditiva interrim feriat. Quid quòd pro ipsis etiam literis diversa membra fatigentur. Qui enim labijs caret, nunquam exprimet literas B. M. R. N. ut meritò hæc Elementa dici possint labialia, qui dentibus caret balbutiet in efferendis Z. S. R. non efferet sine gutturis motu A. H. sine palati ope non proferet G. K. I. X. lingua imitatorâ non pronuntiabit D. T. L. Sch. Sed minoris sollicitudine Voces absolvere potest Intelligentia paratis animalis abutendo organis. Imò cum vox sit sonus ex collisione corporum certo modo institutus, quis non posse per artem fieri crederet? varietas verò vocum ex varia oritur dissectione aëris: sic reprobræ Intelligentiæ, ut Sanctum vexarent senem M. Antonium, jam balabant, jam grunniebant, rugiebant horridum, sibi labant, croci-

rabant

rabant & in omnes agebantur bestias. Potest etiam Intelligentia hæc bruta subingredi: & illis se tantummodo passivè habentibus eorum organa in voces flectere proprias aut alienas. His vafra-
 mentis quondam Taurus humanâ voce Jovem testatus. Ulmus
 voce muliebrî Apollonium affata? Quercus Dodoneæ nostra dede-
 rû verba, cadavera semiputria prolucuta. Mirû hîc observat Guiliel.
 Parisien. 2. 2. de Vniu. c. 151. de energumens, quòd dum hi mi-
 leri suapte movêt organa, nitidiores edunt voces, dum impro-
 bus Inquilinus raucas, ut per hoc quis sit, qui loquitur, dignosci
 possit. Quod credo, si ita est, non provenire ex eo, quasi In-
 telligentia linguam movere nesciat; sed alicui aliquo consilio:
 obscuritate enim delectatur ille spiritus, & (ut Remigius lib. 1.
 Dæmonolog. c. 8. ex confessionibus sagarum didicit) sermones
 formant, dum sagas alloquuntur, quasi os tunnæ aut vasi testa-
 ceo insertum haberent: & tali voce scribit Crinitus lib. 7. de ho-
 nestâ discipl. respondisse illos Genios, dum requirerentur ab Her-
 molao Barbaro & Georgio Placètino, quid nomine *ἐντελεχίας*
 Aristoteles sæpissimè in suis operibus relicto intellexisset.

9. Inducere somnum longissimum facillimè Intelligentia
 potest. Potest enim plurimos humores atq; vapores. invehere,
 per quos ligetur sensorium primum. Hoc enim modo totâ hye-
 me sine prodigio glires unum ducunt somnum. Hoc modo qui-
 dam toto septennio præduxit quietem, de quo Bzovius an 1376.
 n. 13. Possunt contrario artificio longissimam procurare vigili-
 am: nam idem effecit insania in quodam, de quo Fernel. lib. 5.
 Patholog. cap. 2, qui totòs 14. Menses insomnes duxit.

De viribus Intelligentiarum in animam rationalem.

I. Q. Uamdiu anima rationalis corpori manet alligata, ea
 omnia potest in illam Intelligentia, quæ ex corporis
 affectione & externis pendent affectionibus. Unde
 1. Potest in homine cogitationes, non quidem immediatè (hoc
 enim vocant PP. illabi in animam ac soli Spiritui S. concedunt)
 sed moto interno sensu, quem intellectus quoad simplicem appre-
 hensionem consequitur, movere. Hæc fuit veterum Ascetarum
 opinio, quam refert Marcus Eremita tract. de Baptismo post
 med.

med. 2. Potest eodem modo in voluntate varios indeliberatos excitare motus, ut odij, amoris, &c. ita Pfellus, Suidas, Gregoras, & hanc speciem Magiæ Philo lib. de specialibus legibus vocat Pharmaciā: tale in vitis ꝑꝑ. legimus de Cypriano adhuc Mago, qui per Intelligentias conabatur S. Iustinam Virginem deinde commartyrem ad impurum deducere affectum. Simile refert Greg. M. itidem de Basil. Magno lib. 7. dial. c. 4. Et doctrina enim Aristotelis in it. physiogn. Gal. Senecæ lib. 2. de ira c. 18. animi mores temperamentum corporis sequuntur: facile autem est Intelligentiæ corporis temperiem immutare, corpus alterare, incendere &c. potest etiam aliqua Physica agentia ad hoc adhibere, verum ubi anima à corpore absolvitur, nihil jam Intelligentia vitibus suis efficit, nisi objectum proponendo, persuadendo, rationes admovendo.

2. Nemini habitus quospiam aut scientias infundere potest Intelligentia. Nullas enim formas etiam accidentales producere potest. Potest tamen hominis memoriam juvare noxios humores subtrahendo, & excitando phantasmata, quæ novit ad certæ rei reminiscentiã cõducere, quod tamẽ ut loquamur cum D. Aug. serm. 18. in Ps. 118. *non est intellectuare hominem. Quod si aliquando operã malæ Intelligentiæ videntur rudes sapere ac disputare, tum ut docet idem Pater 10. de Civit. cap. 9. solùm phantasiã turbat, ut homo ille proferat, quod ipse non intelligit. Sæpẽ etiam per os illorum loquitur, ut contingit in Athabapustis, qui prius in fide recta rudes, poculo verò aut pane suo accepto evadunt periti scripturæ ac Theologiæ, sed mox ubi ad sanam mentem redierint, omnis illius subitaneæ eruditionis expertes redduntur, recitat exempla Lindanus, Thyraeus, & Surius in vita S. Norberti. Potest etiam per modum assistentis instruire, qualis fuit dæmon Socratis, de quo Plato in Theage ferè in fine. Sic enim ibi gloriatur Socrates: *Adest mihi divinã quãdam sorte demonium, quod me à pueritia est secutum, quæ vox quãdam est dissuadens, quod sum factururus, ad faciendum verò provocat nunquam. Quod si quis interdum amicorum sua consilia mecum communicet, defertur illa vox dissuadens & me exequi non permittens.* Idcirco putabat bonum fuisse, inferre sibi mortem, quia dæmon illi non dissvaserat, ut ipsemet in Apolog. apud Plat. faretur. Intelligentia hæc fuit damnata, ex mente Tertulli. Apolog. c. 22. S. Agust. 8. Civit. 14. S. Cypri. lib. Quod non sicut Dij, n. 52.*

ex Socratis scholâ prodijt Plato, qui & ipse discipulos plurimum
demonstrâ familiaritâti assuefaciebat, ut notavit Carpent. digres.
4. in Alcinoium.

3. Voluntatem hominis non potest Intelligentia cogere, sed
solum suadere ac propositione objecti blandâ pellicere.

De ente ficto, seu De Ente Rationis.

I. **E**ns Rationis est illud, quod solum objectivè existit in
intellectu, seu est objectum solum,

2. Ut dari asseratur, fecunditatem quandam
intellectui attribuire est necesse, ut scilicet præter cognitionem
possit etiam dare quoddam esse. Dari verò patet. Quia dum
cognosco *Hircocervum*, vel cum dico *Lircus est cervus*, cognos-
cit aliquid præter se, quia non est reflexa, cognitio: illud non
est reale, non enim solum cognoscit Hircum & cervum, sed idem
esse Hircum cum cervo, quæ identitas non est realis; & tamen di-
citur cognita, affirmata, & ideo actus, *Hircus est cervus*, est
falsus. Item cum dico *Hircocervus est impossibilis*, prædicatum
de aliquo est verum, sed non de cognitione: Similiter cum dico,
Hircocervus est possibilis, falsa est propositio, sed si in subjecto signi-
ficaret actum, esset vera.

3. Compositio in Hircocervo est objectiva, id est appre-
hensio duorum per modum unius, est quasi compositio, quia
ficti Entis.

4. Extendunt quæstionem Parres. Virum DEVS faciat
Ens Rationis? Sed ad Theologos spectat, qui si permittunt
sensum nostrum aperire, videtur, non facere propriè. Quia
non Ens ut Ens concipere arguit imperfectionem: indirectè ta-
men facit, quia cognoscit a nobis factum, in quo non est im-
perfectio, siquidem alienam solum imperfectionem cognoscit,
nec tendit in objectum modo imperfecto cognoscibile,

65(0)30



